

國家圖書館編

國家圖書館出版社

歷代人物傳記 資料彙編

59

國家圖書館編

國家圖書館出版社

歷代人物傳記 資料彙編

59

第五九冊目錄

查氏七烈編三卷詞一卷

(清)查日乾輯
清乾隆刻本

.....一

明末殉難諸臣請恤疏一卷

明末刻本

.....一七一

海昌五臣殉節軼事一卷

(清)周廣業輯
清周氏種松書塾抄本

.....二二七

賈孫兩婦貞烈雙傳一卷

(清)王鐸撰

詩一卷

清初刻本

.....三八三

孝貞錄□□卷(存四卷)(卷五至八)

清順治刻本

.....四四一

起相

編氏

七



七烈編序

前明旣墜厥命陝寇鴟張甲申三月十七之役朝士以
死殉者七八宛平查少尹允哲母周孺人首先倡率閭
以內踴躍從之一時自經者九人其二人以繩絕免吾
友慕園少尹長子也少尹卒於官慕園徙居天津歲丁
未余官天津與慕園無晨夕間慕園古道直躬氣節是
尚蓋其家法然也一日以七烈編屬序於予余惟古今
士大夫之厄至有明而極有明士大夫之厄至甲申之
難而極當奸璫肆惡忠盡接踵死三百年儲才一朝盡
矣不十餘年而殉國諸君子又起而續之風行草野爰



三本一函
三三三

及閏幃三輔之內有一郡俱死者有明諸主何修而得此而查氏諸賢媛獨於危城將下之時先諸士大夫而死之則又殉國諸君之倡也夫生死者一身之大綱名節者兩間之正氣我

朝甲令首重忠義明史一編斟酌慎重閱數十年而後成從死諸臣具詳之列傳惜未有以查氏烈蹟

上聞者然百年以來得諸名公卿爲之詩若文以表章之慕園且薈萃而付之鋟熊熊炳炳金石生香諸賢媛足以不朽矣同縊九人曰七烈者據死者言之也仁和吳子九烈一辨其定論哉

乾隆五年歲次庚申九月下浣之二日

文淵閣大學士兼禮部尚書兼管國子監事務加三級
泰安趙國麟撰



卷之十 列傳

三

查氏七烈編卷一

文

七烈本傳

載

大清一統志

江西撫州府查國英妻周氏臨川人從國英客京師國英歿周氏依叔氏國才存活崇禎十七年三月闖賊入城周謂國才曰我以清白之身從爾兄地下誓不爲賊所污時國才妻張氏及國英女二姑國才女三姑四姑聞周語卽應聲曰孺人就義我等欣相從也又國英妹四姑嫁於黃率其女黃氏適在國英家及國才妾廉氏氏之母曰廉媼者皆在坐願隨周氏死節因各剪髮羅

拜天地以次就縊賊引衆入見顏色如生疑未死以刀
撥之始信乃去同縊九人絕而復甦者國才妾廉氏及
其女四姑聞者莫不驚歎稱一門七烈

七烈傳

慈谿

姜宸英

西漢

查氏與姬同姓至唐而盛散處江以南歷宋元明而西
江最著天行高王父聿秀公諱秀客於京家漸富饒曾
大父永忠公諱忠前明萬曆己酉副榜二子長振寰公
諱國英次明寰公諱國才一女四姑適孟春黃公振寰
公爲貢士有聲塲屋天行之大父也聘周氏太君溫恭
淑慎生二子當明之末奉母命往榆垓莊女一二姑明
寰公侗儻好施與祖白圭之術貲益饒焉聘張氏太君
性柔嘉端容止凡事悉請命於周太君二女長三姑與
二姑同歲俱極靜婉能奉母訓嫻通內則咸稱爲淑女

時明寰公無嗣娶妾廉氏其母亦依焉忘其本氏家人稱爲廉母云當是時振寰公妹以寡率其女三姑依兄以居三姑與查氏二姑三姑爲中表女昆弟閨中最相契得年亦等周太君愛之如己女云嗚呼夫人少有囊蓄未免侈肆而忘其初今查氏擅陶朱猗頓之富而更能束身儉約俾男女內外各事其事各修其業雍雍和順長幼有序凡姻黨戚屬無不奉爲圭臬自明二百七十年閨門之端肅查氏一門可云盛矣居無幾當崇禎十七年三月十七日賊陷京師剽掠焚燬殺傷殆盡而子女受污者亦不少甚可憤痛當是時京城老少棄其

女妻盡皆潰散而堅貞不畏死者鮮矣嗚呼查氏一門足稱焉十七日夜周太君厲聲曰查氏至京三世矣吾門寧忍爲賊所污耶語畢大慟張太君言曰氏早有此志未得姆言尚逡巡耳寧畏死耶時家人皆亾匿惟老者守門二姑三姑黃氏老姑其女三姑廉母并妾廉氏暨太君幼女甫十二皆從容前曰太君就義某亦當從地下耳周太君點首笑曰我查氏不亡矣拜手中堂引繩於室弱女爭先周太君笑曰理吾當先耳遂投繯復甦曰死甚易毋畏也遂以次縊嗚呼痛矣烈矣時周太君年四十四張太君年三十六廉母黃氏老姑年四十

六二姑三姑黃氏女三姑俱年十六妾廉氏年二十黎明賊引衆至啟其室顏色如生抽刀審視盡掠其家財而去死一日二繩忽截妾廉氏張太君幼女復甦後廉氏度爲尼縊者九人死者七人幼女至今存焉嗚呼士大夫身受國恩當城破國亡之日不能捍一城斬一賊而苟延旦夕之命以僥倖於不死今以七女子之弱而見義必爲雍容揖讓視死如歸如此彼負丈夫之名者反不如七女子之所爲亦可愧矣

查氏一門七烈傳

文安陳儀子翺

七烈者查氏三女子兩娣姒一黃氏女子一廉氏母皆以亡明甲申三月城破之前一日致命於查氏之廬者也黃女查之自出廉母其女爲查側室同居同死故附於查氏云查氏四姑前己酉副榜忠之女適黃氏黃之族有顯宦附客魏者勢張甚黃翁勤與往還四姑私誠其夫曰權貴如冰山一朝傾頽禍其及我盍早自貳焉由是漸與之疎後遂絕及客魏誅黃氏之族幾覆唯翁一門獨完中年夫歿攜幼女依兄以居兄國英國才國英妻周氏嚴重有禮家政肅然婢八歲僮十歲卽不聽

出入視娣張氏若同氣張氏國才妻也美姿容幽閒婉順通經史大義事周如姑當是時二氏賢聲動州里四姑之依於兄也與嫂氏尤相愛每挑燈談古今節孝事娓娓忘倦幼女四人從旁聽之或至泣下四姑者長字二姑周氏子次三姑四姑張氏子黃氏幼女亦字三姑家人以其姓別之隨母四姑居於舅氏者也性並聰慧張氏教之讀書暫聞於耳輒了了不忘二姑好讀道書慕冲舉三姑博涉詩賦嘗自比班謝尤喜言烈女曰女子如是足以不朽矣黃三姑每謂二姊我於此間不置可否顧所遭何如耳時京師有老嫗能通幽冥言人生